

B I B L I O T H E C A
SCRIPTORVM GRAECORVM ET ROMANORVM
T E V B N E R I A N A

ELOGIVM TIBERII HEMSTERHVSII

AVCTORE

DAVIDE RVHNKENIO

EDIDIT

HELGVS NIKITINSKI



MONACHII ET LIPSIAE
IN AEDIBVS K. G. SAUR MMVI

Ruhnkenius, David
Elogium Tiberii Hemsterhusii
ed. Helgus (= Oleg) Nikitinski

Bibliografische Information der Deutschen Nationalbibliothek

Die Deutsche Nationalbibliothek verzeichnet diese Publikation in der
Deutschen Nationalbibliografie; detaillierte bibliografische Daten sind
im Internet über <http://dnb.d-nb.de> abrufbar.

© K. G. Saur Verlag, München und Leipzig 2006
Ein Imprint der Walter de Gruyter GmbH & Co. KG
Printed in Germany

Alle Rechte vorbehalten. All Rights Strictly Reserved.
Jede Art der Vervielfältigung ohne Erlaubnis des Verlags ist unzulässig.
Gedruckt auf alterungsbeständigem Papier.

Druck und Bindung: Druckhaus „Thomas Müntzer“ GmbH, 99947 Bad Langensalza

ISBN-13: 978-3-598-71322-4
ISBN-10: 3-598-71322-3

PRAEFATIO

De Davide Ruhnkenio¹, viro inter omnes quotquot saeculum XVIII praestantes latinitatis auctores tulit nemini secundo, iam antea copiose satis egi². librum autem vere aureum *Elo-*

¹ David Ruhnken sive potius Ruhnkenius 1723–1798.

² vide volumina q. i. *De eloquentia latina saec. XVII et XVIII ... auctore Helgo Nikitinski*. Neapoli (Istituto Italiano per gli Studi Filosofici. L'Umanesimo Europeo. *Series Latina* vol. 1) 2000, p. 31 sqq.; 203 sqq. et Davidis Ruhnkenii *Oratio de doctore umbratico*. Edidit Helgus Nikitinski. Neapoli (ib. *Series Latina* vol. 2) 2001. proxime uti spero procedet opus meum iam diu multumque meditatum cui titulus (nisi mutare videbitur) est *Wörterbuch lateinischer Meisterprosa der Neuzeit*, ubi cum ceterorum praestantissimorum recentioris latinitatis auctorum tum Ruhnkenii etiam sermonis consuetudo theodiscis litteris illustratur.

ante omnia tamen adeas Wyttenbachii (Daniel Albert Wyttenbach 1746–1820) librum q. i. *Vita Davidis Ruhnkenii*. Lugduni Batavorum et Amstelodami 1799. praeterea consule: *Tiberius Hemsterhuys und David Ruhnken. Biographischer Abriss ihres Lebens. Für Freunde der Humanität und des Studiums der Alten insbesondere*, bearbeitet von Friedrich Theodor Rink ... Königsberg 1801, ubi tamen pauca admodum invenies quae eadem non Wyttenbachius in *Vita Ruhnkenii* enarrarat (lectu tamen dignae sunt e. g. p. 220–227); Franz Egermann, in: *Pommersche Lebensbilder* 3, 1939, p. 69 sqq.; E. Hulshoff Pol, *Studia Ruhnkeniana*, Leiden 1953 (horum studiorum altera pars MS. inedita adhuc latet aut omnino periit, teste Guiljelmo Otterspeer Mus. Acad. Lugd. praeside); Thomas Gelzer, “Zum *Codex Mosquensis* und zur Sammlung der Homerischen Hymnen” in: *Hyperboreus*, vol. 1 (1994), p. 113 sqq.; Bengt Löfstedt, “Zu David Ruhnkens Latinität” in: *Studia Classica* 34–36 (1998–2000), p. 121–124; Oleg Nikitinski, “Ruhnkenii ad Cantium (Immanuel Kant) epistula” in: *Vox Latina* t. 39 (2003), fasc. 153, p. 310–316.

*gium Tiberii Hemsterhusii*³ criticae artis ducem atque magistrum, qui ad vitam disciplinamque Hemsterhusii illustrandas, historiam litterarum atque omnino humanitatem quam maxime confert, adde latinitatis exemplar emendatissimum et quod centum amplius annos ab editoribus neglectum, cur denuo adnotationibus criticis instruerem atque hac nova editione frequentarem, non erat ut bibliopolae honestissimo multis verbis probarem.

³ de memoria huius orationis v. Dav. Ruhnkenii *Orationes, dissertationes et epistolae* ... edidit. Frid. Traug. Friedemann, Brunswigae 1828, p. xxv sqq.; *Elogium Tiberii Hemsterhusii, auctore Davide Ruhnkenio. Accedunt duae Richardi Bentleji epistolae ad Hemsterhusium. Vita Ruhnkenii, auctore Daniele Wytttenbachio*. Cum praefatione et annotatione edidit Joannes Theodorus Bergman. Lugduni Batavorum 1824; *Supplementa annotationis ad Elogium Tiberii Hemsterhusii, auctore Dav. Ruhnkenio, et ad Vitam Davidis Ruhnkenii auctore Dan. Wytttenbachio* ... Collegit et edidit Jo. Theod. Bergman. Lugduni Batavorum 1874; L. Müller, *Geschichte der klassischen Philologie in den Niederlanden*, Leipzig 1869, p. 82; nec non curiosa quaedam de fortuna eiusdem operis apud Aluredum Eduardum Housman invenies in: Mariateresa Horsfall Scotti, Nicholas Horsfall "Er-gastolani della filologia" in: *Quaderni di storia* 34 (1991), p. 187.

de vocabulo quod est elogium quid sibi velit v. Frid. Traug. Friedemann in: Dav. Ruhnkenii *Orationes* ... op. mem., p. xxxv sq. et p. 223; J. Ph. Krebs, J. H. Schmalz, *Antibarbarus der lateinischen Sprache*, Basel 1905, vol. 1, p. 501; Renzo Meregazzi in: Pauli Iovii *Opera* (Paolo Giovio, *Gli elogi degli uomini illustri (letterati - artisti - uomini d'arme)*). A cura di Renzo Meregazzi) Roma 1972, vol. 8, p. 6 sq.; Mario Puelma, "ēlogium: Probleme einer Wortgeschichte" in: *Mus. Helv.* 57 (2000), p. 36–58, de *Elogio Tiberii Hemsterhusii* ib. p. 48. ceterum constat hoc vocabulum a probabilibus recentioris latinitatis auctoribus usitatum esse, cfr. e. g.: "Atque haec vitae series (*agitur de Daniele Heinsio adhuc vivente*) Lectori esto, non elogium. quod non praeripiendum, sed iudicio, vel aliorum, vel posteritatis, relinquendum est" Ioannis Meursii *Athenae Batavae* ... Lugduni Batavorum 1625, p. 215; "Nec ipse ego merito elogio fraudandam duxi optimam sororem meam hoc Opere, quo Cadomenses origines sum persecutus" Pet. Dan. Huetii, Episcopi Abricensis, *Commentarius de rebus ad eum pertinentibus*. Amstelodami ... 1718, p. 185.

duae tantum *Elogii* editiones sunt, quarum ratio habenda est cum ceterae ad textum constituendum nihil afferant; earum una est editio prima⁴, altera vero “secunda”⁵, de qua Wyttenbachius ad annum 1789 *Vitae Ruhnkenii* haec adnotavit: “Elogium Hemsterhusii castigatius prodiit, compluribus locis ad proprietatem, perspicuitatem, efficaciamque dictionis reformatis: quod vix fieri potuisse videatur in libro, qui jam e prima editione tam cultus politusque exiisset. Sed nimirum triginta⁶ annorum intervallum et orationis scientiam auxerat, et limam acuerat.”⁷ itaque exactioris iudicii editores⁸ iusta de causa textum secundae editionis religiose dabant additis in app. critico lectionibus primae, quod et hac quoque editione, quanta potui diligentia, praestiti, uno tantum eoque levissimo errore⁹ typographi secundae editionis tacite emendato.

sed huc usque non multum nisi forte maiore cura a ceteris editoribus differebam. nunc vero de singulari editionis meae praesidio et ornamento dicendum est. proxime cum Leidae degerem atque in bibliotheca Academiae Lugdunobata-

⁴ Elogium Tiberii Hemsterhusii, auctore Davide Ruhnkenio. Lugduni Batavorum, Apud Sam. et Joh. Luchtmans, Academiae Typographos. 1768.

⁵ Elogium Tiberii Hemsterhusii, auctore Davide Ruhnkenio. Editio secunda castigatior, Cui duae Richardi Bentleji Epistolae ad Hemsterhusium accedunt. Lugduni Batavorum, Apud Sam. et Joh. Luchtmans. 1789.

⁶ memoria fortasse labitur Wyttenbachius, scribendum enim fuit “viginti”.

⁷ Wyttenbachius, *Vita ... op. mem.*, p. 200.

⁸ quorum ultimus est Josephus Frey (Bibliotheca scriptorum latinorum recentioris aetatis. Edidit Josephus Frey. *Elogium Tiberii Hemsterhusii* auctore Davide Ruhnkenio. Ex editione altera descriptum addita discrepantia editionis prioris. Lipsiae. In aedibus B.G. Teubneri 1875) qui et omnium diligentissimus, ut qui paucissimis erroribus laboret, e. g.: loco Ernesti scribendum erat Ernestum (p. 21: 36, 3); in app. critico post *sapientiae* comma delendum (p. 2: 4, 2).

⁹ “explicationen” 27, 3.

vae (Universiteitsbibliotheek Leiden) libros saec. XVII et XVIII ut soleo curiosa manu volutarem, ecce incidi in exemplar (754 D 25, quod in app. crit. *R* insignivi) primae *Elogii* editionis cum adnotationibus manu Ruhnkenii scriptis¹⁰, quae quidem res usque ad hoc tempus omnino ignota manet neque catalogus bibliothecae Leidensis ullam eius mentionem facit¹¹. eas autem adnotationes Ruhnkenius scripsit atque, uti credere par est, typographo misit cum secundam editionem (a. 1789) pararet; deinde plagulas tantum correxit, ubi aliqua denuo mutavit: hoc pacto secunda editio evasit, quae sola tamquam ab ultima Ruhnkenii manu aestimanda est, cum *R* intermedium, ut ita dicam, *Elogii* statum repraesentet: ita nunc demum melius, quam prioribus editoribus contigit, videre licet per quos gradus Ruhnkenius ad summam artis escenderit.

in apparatu critico post lectiones secundae editionis semper, nisi aliter indicatum, primae editionis lectiones afferuntur; lectiones *R*, utpote quae cum lectionibus secundae ed. plerumque consentiant, in dissensu tantum cum illa profero¹². scripturae rationem ad secundae editionis normam exegi, litteras inclinatas q. d. italicæ servavi, litteræ „s“ alteram

¹⁰ v. imaginem phototypice expressam.

¹¹ pariter ignoratur inserta ibidem schedula cum observationibus viri clarissimi Ludovici Caspari Valckenarii (ut opinor ipsius manu scriptis); vide sis Append. et imaginem phototypice expressam. Ruhnkenius vero, cum alteram *Elogii* editionem pararet, nullam istarum observationum omnino rationem duxisse videtur.

¹² e. g. “4, 1 sic: s. contra: s. debeatur *R*”, h. e.: “sic” est lectio ed. a. 1789, “sic contra” lectio ed. a. 1768, “sic debeatur” lectio *R*; “1, 3 dissimilitudine: diversitate”, h. e.: “dissimilitudine” est lectio editionis a. 1789 atque *R*, “diversitate” lectio ed. a. 1768; “50, 7 dixisses: putasses, *R*”, h. e.: “dixisses” est lectio ed. a. 1789, “putasses” lectio ed. a. 1768 atque *R* (i. e. in *R* lectio editionis a. 1768 nondum mutata est); “8, 4 percipias: deest”, h. e. “percipias” est lectio ed. a. 1789 atque *R*, sed deest in ed. 1768; “14, 13 velut: deest, *R*”, h. e. “velut” deest in ed. a. 1768 atque in *R*.

formam quae est „f“ neglexi, ligaturas graecas et “&” solvi. capitum intervalla Ruhnkenius in priore iam editione assignavit neque ea in altera mutavit, tantum quod numeros non adiecit, quos addere mei officii esse duxi; capita vero in paragraphos meo arbitratu dispescui grammaticorum commodo consulens.

restat ut Nicolao Horsfall et Martino West Oxoniensibus, clarissimis viris, honorificum perquam huic libro, cuius plagulas oculis perlustrarunt, acuminis atque diligentiae testimonium reddam nec non grate memorem Societatem Theodiscam Studiis Provehendis (Deutsche Forschungsgemeinschaft) atque opus fundatum Friderici Thyssen (Fritz Thyssen Stiftung) pro pecunia liberaliter prolata.

dabam Monachii m. Oct. MMVI

H. N.

ELOGIUM TIBERII HEMSTERHUSII,

AUCTORE
DAVIDE RUHNKENIO.

PRAEFATIO.

p. 3
ed. 1789

*Cum mihi magistratum academicum deponenti publice di- 1
cendum esset, perfectam Critici formam in Tiberio Hem-
sterhusio spectandam exhibui. Quod orationis argumentum
omnibus tam jucundum accidit, ut me nunquam meminerim
attentius audiri. Erant etiam, qui hanc orationem quam pri- 2
mum edi cuperent, ut, quam voluptatem illa audienda cepe-
rant, eandem illa legen\da iterum capere possent. Quorum 3
voluntati me facilem praebeui. Sed quoniam hujusmodi ora-
tiones, semel lectae, fere abjici solent, et in oblivionem abire,
meae cavendum putavi forma ejus sic immutanda, ut non tam
oratio, quam elogium esse videretur. Elogium hac significa- 4
tione non satis Latinum esse scio. Sed temporum nostrorum
consuetudini aliquid dandum fuit.*

Praef. 1 spectandam exhibui: spectavi || **Praef. 3** meae...putavi: nost-
rae...putavimus || **Praef. 4** hac significatione: hoc sensu

ELOGIUM

TIBERII HEMSTERHUSII.

1. Nulla facile ars ac disciplina plus vel invidiae, vel infamiae suscepit, quam quae a primario, quod in iudicando
 2 cernitur, munere Critica vocatur. Haec aliquando incidit in ingenia furiosa, quae nullo rationis tanquam freno coërcerentur, aliquando in jejuna et angusta, quae | non caperent p. 6
 3 tantae rei vim et auctoritatem. Duplex igitur, pro ingeniorum
 4 dissimilitudine, inita est Critices exercendae ratio. Illi firma, nec ullo modo commovenda, temere convellebant, et certa incertis conjecturis vexabant: hi nihil aliud, nisi materiam e libris manu scriptis comportabant, in rebus ipsis et sensibus scriptorum explicandis muti, in verbis et formulis ad grammaticam normam exigendis loquaces et rixosi. Utrique cum sibi Criticorum nomen arrogassent, et, facili plebe literaria, tenuissent, hominum vitia, ut fieri solet, ad ipsam artem traducta sunt, et Critica, modo temeritatis et audaciae mater, modo nugatoria syllabarum auceps, dici haberique coepit.
 5
 6 Quam invidiam, non mirandum est, diutius in Critica, quam in ulla alia disciplina, cui per similem iniquitatem labes ad- p. 7
 7 spersa esset, haesisse. Etenim ceterae artes, magnam partem populares, et communi intelligentiae patentes, facile inveni-
 8 unt, qui, caussa cognita, calumniam depellant. Critica, plures difficultate et rerum discendarum copia et varietate deterrens, quam delectatione aliqua alliciens ad se et invitans, paucos omni tempore discipulos nacta est, paucos habuit patronos,

1, 2 coërcerentur: coërceri possent || 1, 3 dissimilitudine: diversitate || 1, 4 Illi firma, nec ullo modo commovenda: Illi, quae commoveri non possent | temere convellebant: c., R || 1, 6 Quam invidiam, non mirandum est, diutius in Critica...labes adspersa esset, haesisse: Quae invidia diutius haesit in Critica...esset labes aliqua adspersa

qui causam suam cognoscerent, innocentiam tuerentur, dignitatem et gloriam vindicarent.

2. Cogitanti vero mihi, quae tandem optima esset ratio tam praeclari studii commendandi, et injuria, qua premitur, liberandi, nulla commodior et efficacior occurrit, quam quae
 p. 8 perfecti et omnibus numeris absoluti Critici imaginem, ad I
 vivum expressam, ob oculos ponat. Sic enim spero, futurum, 2
 ut, quicumque in hoc exemplar inspexerit, quam artem in
 contemptum vocare ausus sit, in ea liberalis doctrinae omnis
 fastigium esse fateatur.

3. Verum, ne cui videar Criticum, qualis nec fuerit unquam, nec esse possit, fingere, exemplar ejus ducam ab eorum aliquo, quibus omnes omnia summa in hac facultate tribuerunt. Nec ille longe quaerendus. Adhuc animis, vel dicam, oculis 2
 nostris inhaeret TIBERIUS HEMSTERHUSIUS. Vix dum lacrimae, quas in ejus funere profudimus, exaruerunt.

4. Hic talis ac tantus vir in illis, quorum vix singuli singulis
 p. 9 seculis in generis humani exemplum nascantur, praecipuum I
 locum tenet. Quo magis, ut mediocri ingenio homines facile patimur cum libris suis occidere, sic Hemsterhusii memoria conservanda modis omnibus, et aeternitati aequanda est. Quanquam vero ad laudem ejus magnificentius, et ad 2
 communem utilitatem uberius futurum esset, si divina cum

2, 1 ob: ante II 2, 2 spero, futurum: speramus f., R

3, 1 eorum aliquo: a. illorum II 3, 2 vel dicam: *post d. comma deest*

4, 1 vir in illis, quorum...nascantur, praecipuum locum tenet. Quo magis: vir praecipuum inter illos locum tenet, quorum...nascantur. Itaque I sic: s. contra: s. debeatur R I aequanda est: a. videtur II 4, 2 futurum esset...quibus: futurum erat, si divinae animi, ingenii, doctrinae, sapientiae virtutes, quibus

animi, et ingenii, tum doctrinae, et sapientiae bona, quibus cumulatus fuit, singulatim explicarentur, nobis tamen, quod omnia persequi infinitum est, ex ea maxime parte, qua gloriam suam inprimis fundavit, hoc est, ex Critices scientia, spectandus videtur.

5. Critica veterum scriptorum libros, tanquam materiam, quam tractet, et in qua versetur, sibi subjectos habet: nec angustis certorum scriptorum terminis septa telnetur, sed per Poëtas, Oratores, Grammaticos, Historicos, Philosophos longe lateque vagatur, ubique iudicium et censuram exercens. p. 10
- 2 Quam provinciam tametsi proprio quodam jure tenet, tamen, si quando in graviorum disciplinarum auxilium vocata sit,
- 3 non dubitat illos fines transire. Sane ex quo tempore Erasmus et Beza eam in Theologiam, Cujacius, alique in Jurisprudentiam, saluberrimo instituto adsciverunt, ferme tam frequens
- 4 est in his disciplinis, quam in regno suo. Censendi vero iudicandique munere sic fungitur, ut vera a falsis et suppositiis discernat, fraudes suis vestigiis odoretur et demonstret, obscuris sive rebus sive verbis lumen affundat, depravata
- 5 corrigat, laudet recta, reprehendat vitiosa. Has Critici partes, tam difficiles, tam graves, qui recte sustinere et tueri velit, p. 11
- duplici praesidio instructus ornatusque esse debet, ingenio acerrimo, et eruditione prope immensa.

6. Ingenium in omnium artium, etiam leviorum, studiis valet plurimum. Sed ut aliud aptius est Mathesi, aliud Poëticae, aliud aliis artibus, sic Critica quoque sibi deposcit proprium
- 2 et peculiare. Ejus autem vis omnis ex duabus animi facultatibus oritur, ex imaginum ante perceptarum celeri instaurati-

4, 2 nobis tamen...ex ea: nos tamen, quibus omnia persequi infinitum videtur, illum constituimus ex ea | scientia, spectandus videtur: scientia spectare

5, 2 proprio: praecipuo, R | tamen, si quando: t. ejus fines egreditur, si q. | non...transire: *desunt* || 5, 3 eam: illam

one, et ex prompta ac parata judicandi subtilitate. Finge, Cri- 3
 ticum, qualem deformamus, impedito et corrupto scriptoris
 loco remedium quaerere, et diligenter attende, quibus mentis
 actionibus ad id, quod quaerit, perveniat. Altera animi facul- 4
 p. 12 tas varias imagines ante haustas, quae | ad talem locum expe-
 diendum accommodatae videantur, ei celeriter et in tempore
 offert: altera, quid res postulet, atque adeo, quid ex plurimis
 simulacris animo simul obversantibus deligendum sit, eadem
 celeritate videt ac decernit. Ergo critica vis maxime judica- 5
 tur mentis celeritate, quam Graeci ἀγγίνοισιν et εὐστοχίαν,
 Latini *sagacitatem, sollertiam, ingenii felicitatem* vocant.
 Haec autem sagacitas non in hominis potestate est, non stu- 6
 dio, labore, exercitatione comparatur, sed rarum et singulare
 munus est unius naturae fautricis; licetque adeo, quod De-
 mocritus de Poëta dixit, ad Criticum transferre: *Criticus non*
fit, sed nascitur. Tali ingenio praediti cum perraro exoriantur, 7
 non mirum sit, magnam excellentium Criticorum et nunc
 p. 13 esse, et semper fuisse paucitatem. Quod vero diximus, inge- 8
 nium hac in re plus valere, quam artem ac disciplinam, hoc
 argumento intelligi potest. Multi, iique praeclarissimi viri, 9
 cum studiorum genere, ad quod ab ipsa natura deducerentur,
 relicto, se ad Criticam contulissent, eruditione sibi, quod na-
 tura negarat, parare conati sunt, ingeniique vicarium, artifici-
 um quoddam assumserunt. Quorum conatus, noli quaerere,
 quam infeliciter cesserit. Quanta eruditionis, de Graecis fon- 10
 tibus ductae, copia fuerit in Jo. Meursio et Ez. Spanhemio,
 nemo ignorat, nisi qui ipsam antiquitatem Graecam ignoret.

6, 6 Democritus] 68 B 17, 18, 21 DK

6, 7 non mirum sit: quis miretur | paucitatem.: paucitatem? || 6, 9 Multi,
 iique: Multi: Multi iique R | genere: g. eo | deducerentur: deducebantur |
 sibi, quod natura negarat, parare conati sunt: sibi parare conati sunt, quod
 natura negarat

At illi ipsi, cum vim facere naturae, et Criticam exercere instituunt, quam sunt dissimiles sui! Duo praestantissimi viri, N. Heinsius et P. Burmannus, omne studium suum in Poëtis Latinis expoliendis | consumserunt, pari uterque eruditione, sed dispari acute sentiendi et feliciter divinandi facultate. Alter igitur Poëtarum Latinorum sospitator dictus est, alter non potuit in tantae gloriae societatem venire. p. 14

7. Haec vero Critici materies indolesque in Hemsterhusio tanta fuit, ut natura, quid in tali ingenio fingendo posset, in eo potissimum experta esse videatur. Omnes in illo talem oculorum aciem, qualis lyncibus et aquilis tribui solet, mirantur. Sed profecto mentis acies multo miranda magis. Nihil tam abditum erat, tam nihil retrusum, quod ejus acumen falleret. Nihil tam depositum ac prope conclamatum, cui non vitam et salutem redderet. Nihil tam artificiose simulatum, quin fraudem facile sentiret, | et indiciis suis teneret. Talis tam felicitis Critices illustre documentum dedit in Xenophonte Ephesio. Hic scriptor, aetate demum nostra, mendose et negligenter editus in Italia, nativa sua venustate Hemsterhusium invitarat, ut non solum quae quid vitii traxissent, emendaret, sed plurium etiam verborum lacunas de conjectura suppleret. Post Dorvillius V. C. eundem scriptorem iterum ad Codicem MS. exigi jussit. Quid quaeris? Nullus unquam vates Hemsterhusio repertus est verior. Nam vetus codex lectiones et lacunarum supplementa sic, ut ille divinando restituerat, plerisque locis repraesentabat. p. 15

8. Etsi vero permagnum Critico praesidium est in mentis vi et sollertia, nemo tamen omnia in eo posita putet. 2 Compalrandum est alterum instrumentum, eruditio; quae ut p. 16

parum aut nihil sine ingenio, sic sine eruditione ne perspicacissimum quidem ingenium quicquam effecerit. Recte Crates 3
 Mallotes, quem haec ipsa ars nobilitavit, apud Sextum Empiricum, in Critico requirit omnis liberalis doctrinae, quam 4
 Graeci ἐγκυκλοπαιδείαν vocant, scientiam. Si igitur ad Criticam adspirare velis, de Cratetis praecepto, ante Grammaticam, non vulgarem istam, sed altiore, percipias, habites in Poëtis et Oratoribus, peragres latissimum historiae campum, mente complectaris universam philosophiam, et his omnibus adjungas Mathesin, maxime partes illas, quae mentem ex-
 5
 p. 17 narum ubertate Critica demum efflorescit et redundat: | tali instructu ornatuque eam oportet esse comitatam.

9. Equidem vereor, ne hac rerum discendarum multitudine commemoranda restinguam potius juventutis studia, quam incendam. Sed quid faciam? Non alius ad pulcerrimam artem aditus patet, nec aliis gradibus Hemsterhusius ad id, quod in illa summum est, escendit.

10. Juvat igitur, non modo quam praestans et inusitata ejus eruditio fuerit, sed etiam qua via et ratione ad illam pervenerit, explicare. Quod dum facimus, pars vitae Hemsterhusianae, ut ad cognoscendum jucundissimae, sic ad imitandum utilissimae, breviter attingenda erit.

8, 3 Sextum Empiricum] S.E. *adv. math.* 1, 79

8, 4 Si igitur: Quamobrem si | de: ex | ante Grammaticam: a. percipias
 G. | percipias: *deest*

9 Equidem: *deest*

- 11.** Puelrulus (*) literarum initia cum ab idoneis magistris p. 18
percepit, tum a patre, Francisco Hemsterhusio, qui salutarem
artem, quam profitebatur, cum politioribus literis conjun-
xerat, et peregrinandi studio ductus, omnem fere Europam
2 lustrarat. Vis ingenii sic ante annos in Hemsterhusio nostro
eluxit, ut multi, quibus carus erat, timerent, ne non vitalis
puer esset, aut ingenium tam praecox ad frugem perveniret.
3 Quam sollicitudinem vanam fuisse, eventus docuit. Nam
eundem mentis vigorem integrum et illibatum pertulit ad ex-
tremam usque senectutem, hoc est, ad aetatis annum octu- p. 19
agesimum secundum, qui vitae ultimus fuit. Una memoria,
quanquam raro, lababat, ubi proprium hominis nomen subito
edendum esset.

(*) Natus est Groningae 1. Febr. 1685. Ab a. 1704. Philoso-
phiae et Matheseos Professor Amstelodami: ab a. 1717. Linguae
Graecae, post etiam Historiae Patriae Professor Franequerae: ab
a. 1740. ejusdem Linguae et Historiae Professor Leidae. Obiit 7.
April. 1766.

12. Decimum quartum annum agens, qua aetate plerique
in tirociniis haerent, jam versabatur inter cives Academiae
Groninganae, et praestantissimos quosque bonarum artium
magistros audiebat.

11, 1 cum: tum | salutarem artem: a. s. | lustrarat: peragrarat || **11, 2** qui-
bus carus erat: *desunt* | ingenium tam praecox: t. p. i. | Quam...docuit: Quae
sollicitudo vana fuit

13. Socrates apud Platonem omnia praeclara de Isocrate
adolescente auguratur, quod natura philosophia quaedam
inesset in ejus mente. Simillimam Isocraticae indolem Jo- 2
annes Bernoullius, Mathematicorum longe princeps, in
Hemsterhusio adolescentulo, simul atque eum in disciplinam
receperat, sagacissime perspexit. Iccirco nihil antiquius ha-
p. 20 buit, quam | ut philosophiae semina, quae in ejus mente late-
rent, proliceret, et recta cultura firmaret. Nec Hemsterhusius 3
Bernoullii augurium fefellit. Nam tanta celeritate altio-
rem Geometriam percepit, et in intimos philosophiae recessus
penetravit, ut magister fateretur, se, quem cum eo compa-
raret, inter discipulos habere neminem. Atque haud scio, an 4
multum fallamur, si altos illos et magnificos de rebus divi-
nis humanisque sensus, qui postea se omnibus Hemsterhusii
dictis factisque protulerunt, magnam partem a Bernoulliana
disciplina repetamus. Ipse quidem, Bernoullium divino mu- 5
nere sibi praeceptorem obtigisse, cum gaudio, quod vultu et
oculis proderetur, fateri solebat.

p. 21 14. Ita cum aliquot annos exegisset in Acaademia patria, Lei-
dam venit, invitatus praecipue fama Jacobi Perizonii, qui cum
ceteras humanitatis partes egregie, tum veterem historiam
elegantius, quam quisquam ante eum, tradebat. Leidae tum 2
casu quodam disjecti erant publicae Bibliothecae Codices
MSS. Horum in ordinem redigendorum cura ab Academiae
Curatoribus demandatur Hemsterhusio. Quod Curatorum de 3
tantulo adolescente iudicium tam felix omen in posterum

13, 1 philosophia] Plat. *Phdr.* 279a

13, 2 receperat: recepisset | Iccirco: Itaque: Idcirco *R cf.* 35, 4; 44, 1;
48, 2

14, 1 annos exegisset in Academia patria: a. in A. p. e. | fama: inclyta
f. | egregie...tradebat: e. t., tum veterem historiam sic, nihil ut supra fieri
posse videretur

tempus faciebat, ut nemo unus dubitaret, quin is aliquando Jacobo Gronovio in Graecarum literarum Professione successurus esset. Verum, vacante illa provincia, res secus cecidit, non Curatorum voluntate alienata, sed artibus eorum, qui, ne luminibus suis obstrueretur, metuebant. Data est Professio Havercampo, si minus Academiae, at ipsorum rationibus accommodato. Sed haec latere, melius est, quam cum auctorum ignominia et dedecore in lucem proferri. Leidae cum Hemsterhusius studiorum spatia decurrebat, vix dum expleto decimo nono aetatis anno, Amstelodamum, ut juventuti studiosae viam ad Mathesin et Philosophiam praeiret, honorifice invitatur. Quis est, qui talem provinciam nactus, non totam studiorum rationem commutasset? non humaniores literas, veluti crepundia, abjecisset? Talis stultitia in alios, ab angustis doctrinae compendiis profectos, cadere poterat, in Hemsterhusium non poterat, qui praeclare sciret, quo societatis vinculo hae disciplinae inter se devinciuntur. Ac reperit Amstelodami, quorum consuetudine elegantiorum literarum studium non mediocriter aleret. Orlnabat tum illam urbem ingeniosus Poëta, et disertus Poëtarum Latinorum interpres, Janus Broukhusius. In eadem tum aliquot annos degebant Stephanus Berglerus et Ludolphus Kusterus, ille veteris philosophiae scientia, hic critica facultate, uterque Graecis literis tam excellens, ut ambiguum posteris reliquerint, uter utri ea laude praestaret. Quorum amicitiam Hemsterhusius appetebat cupidissime, tenebatque eo constantius, quo magis ingenium talium virorum sermonibus ad omnis elegantiae sen-

14, 4 metuebant: timerent || 14, 7 decurrebat: decurreret | Amstelodamum...invitatur: honorifice A. i., ut juventuti studiosae viam ad Mathesin et Philosophiam praeiret || 14, 10 non mediocriter aleret: vehementer aleretur || 14, 11 In eadem...degebant: Mox tempus aliquod ibidem d. || 14, 12 Quorum: Horum, R

sum acuebatur. Hac tam felici velut contagione Broukhusius 13
in eum transfudit Propertii, Kusterus Aristophanis amorem,
salutarem deinceps utrique Poëtae futurum. Sed jam ante in- 14
tervenerat, quod Hemsterhusium cum Graecis Musis artius
p. 24 conjungeret. Destituerat vir doctus I Julii Pollucis editionem, 15
quae Amstelodami parabatur. Quaeritur, qui destitutas par- 16
tes excipiat. Itur ad Hemsterhusium. Is, Graevii auctoritate
impulsus, operis curam suscipit, et commentatione, juveni-
li illa quidem, veruntamen juvenis Hemsterhusii, eruditis-
simorum hominum oculos animosque in se convertit. Ipse 17
auctor (quis enim tali aetate se ipsum contemnat?) de hoc
opere satis bene sentiebat. Brevi post a Richardo Bentlejo, 18
Britanniae Aristarcho, literas accipit, quibus quidem opera
Polluci navata eximie laudabatur. At eadem literae (*) Ben- 19
tlejanas emendationes in Comicorum loca, quibus Pollux a
se dictis fidem et auctoritatem conciliasset, complecteban-
p. 25 tur. In quibus lolcis restituendis Hemsterhusius quoque con-
sumserat studii plurimum, pulcre intelligens, summam rei in
illis verti. Enimvero, lectis animadversionibus Bentlejanis, 20
videt, inanem operam suam fuisse, alterum omnia divinitus
expediisse. Quo tum animo Hemsterhusium fuisse putas? Ita 21
conturbatus est, ita sibimet ipse displicuit, ut Graecas literas
in perpetuum repudiare statueret. Nec, per mensem unum et 22
item alterum, ausus est scriptorem Graecum attingere. Hoc 23
si alteri evenisset, quam astute id dissimulasset, quam cau-
tionem et diligentiam, ne in vulgus emanaret, adhibuisset?

(*) Has literas, ab Hemsterhusii filio nobiscum communicatas,
huic novae Editioni subjecimus.

14, 13 velut: *deest*, R | salutarem: utilissimum || 14, 18 quidem: *deest*,
R | laudabatur: laudaretur || 14, 19 At: Sed | (*): *deest haec adnotatio*, R.
litteras ipsas huic editioni addere supersedi | conciliasset: conciliat | quibus
locis: iisdem Comicorum versibus | consumserat studii plurimum: multum
s. c. || 14, 23 quam cautionem...adhibuisset: quantam c. et d. a., ne in v. e.

- 24 At ille, ô callidum hominem! id narrare discipulis, et crebris
 sermonibus usurpare solebat. Nescio, quid alii sentiant. Mihi
 nunquam major, quam cum haec de se ingenue fatebatur,
 25 visus est | Hemsterhusius. Nam acer animi morsus indicat, p. 26
 quos quam altos et veram gloriam expetentes spiritus pectore
 gesserit, erroris confessio, quantam maximarum rerum fidu-
 26 ciam haberet. Eleganter et vere Celsus de simili Hippocratis
 confessione ait: *Levia ingenia, quia nihil habent, nihil sibi
 detrahunt. Magno ingenio, multaque nihilominus habituro,
 convenit simplex veri erroris confessio.*

15. Mox tamen Hemsterhusius, cum dolori successisset co-
 gitatio, quam inique se adolescentem cum Critico veterano,
 eodemque omnium principe comparasset, et secum in gra-
 2 tiam rediit, et cum literis Graecis. At Bentlejanae admonitio-
 nis haec vis fuit, ut apud animum constitueret, non ante se in
 hunc praecipitem | locum committere, quam artium omnium p. 27
 copiam mente et cogitatione comprehendisset, et, quoniam
 in hoc maxime reprehendebatur, Comicorum versus non
 ante tentare, quam varia metrorum genera, Comicis usitata,
 3 penitus percepisset. Nec alium, nisi illum ipsum monitorem
 suum, sibi imitandum sumsit. Hunc enim mirabatur unum,
 hunc in oculis ferebat, hunc omnibus memoriae nostrae Cri-
 ticism anteponere, ne dissimulans quidem offensionem, si
 quis talis viri magnitudinem, quam consequi nulla ratione
 posset, per invidiam allatraret.

14, 26 *Levia ingenia*] Cels. 8, 4, 4

14, 24 *callidum*: candidum *mallet Martinus West (per litt.)* || 14, 25 *ve-
 ram gloriam expetentes*: verae gloriae cupidos

15, 2 *omnium copiam*: o. paene infinitam c. | et, quoniam...percepisset:
desunt || 15, 3 *mirabatur unum*, hunc in oculis: maxime admirabatur, h. in
 o.: maxime admirabatur u., h. u. in o. *R nisi fallor*

16. Inito igitur eruditionis locupletandae consilio, veteres,
 inde ab ingeniorum fonte, Homero, scriptores nunquam re-
 p. 28 misso studio legit: legit? immo vero | excerpsit, et in hor-
 rea sua conguessit, ut, quicquid vel ad utriusque linguae ra-
 tionem, vel ad historiam, vel ad ritus et mores gentium, vel
 ad priscam sapientiam pertineret, id paratum esset, ac, si res
 postularet, inde continuo depromeretur.

17. Quam vero consuetudinem ipse in legendo tenuerat, ut a
 veterrimo quoque scriptore gradum faceret ad eum, qui pro-
 ximus esset aetate, eandem aliis etiam atque etiam commen-
 dabat. Nam primum, ut alias opportunitates omittam (*), si 2
 hac via progrediari, non verborum tantum, sed etiam signifi-
 p. 29 cationum, singulis verbis et formulis attributarum, tanquam
 tempora certius constituas: cujus rei diligens observatio in
 linguis omnibus valet plurimum. Deinde satis constat, nihil 3
 vel bene cogitatum esse, vel bene dictum ab antiquioribus
 illis, quorum libros velut recte cogitandi scribendique legem
 et normam probamus, quod non sit variis modis imitata pos-
 teriorum sollertia. Cujus imitationis venustatem nec senti- 4
 as, nec intelligas, nisi fontem, e quo profecta sit, cognoris.
 Thucydidis, ut hoc utar, reconditas exquisitasque sententias 5
 Hemsterhusius ita tritas notatasque habebat, ut, quid Poly-
 bius, quid Dionysius Halicarnassensis, quid Plutarchus, quid

(*) Vide quae diximus Praef. ad Timaei Lex. Platon.

16 nunquam remisso: pertinaci et indomito | ac: et, *R* | continuo depromeretur: statim depromi posset

17, 2 via: ratione | progrediari: progrediare || 17, 3 quorum...probamus: qui recte cogitandi scribendique velut lex et norma probantur

6 alii inde ad imitationem traxissent, e vestigio indicaret. Ex quo instituto quot quam praeclarae difficiliorum locorum et interpretationes natae sint, et emendationes, vel me tacente, p. 30 intelligitur.

18. At qui tandem sunt illi scriptores, quos vir summus futuro Critico maxime necessarios, quos legendos, quos ediscendos putabat? Quasi vero, dicet aliquis, nesciamus, Criticos in Poëtis, Oratoribus, Grammaticis et Historicis vitae velut tabernaculum collocare.

19. Hic locus me admonet, ut justum meum, vel Hemsterhusii potius, dolorem et querelam effundam. Veteres hoc humanitatis studium sapientissimo consilio tam late patere voluerunt, ut et mathematicas artes, et philosophiam omnem complecteretur. Veterum auctoritatem secuti sunt viri immortales, qui seculis decimo quinto et decimo sexto, pulsa barbarie, pristinam bonis literis dignitatem restituerunt. p. 31
4 Verum brevi post exorti sunt literatores, qui, finibus illis latioribus per summam ignaviam contrahendis, sibi servarent Grammaticos, Oratores, Poëtas, Historicos, valere juberent
5 Mathematicos et Philosophos. Sic humanitatis disciplina, rebus magnam partem ex ea sublatis, prope tota facta est disciplina verborum. Ex eo tempore philosophi ejusmodi literatores cum arte sua contemserunt: literatores de humaniorum literarum contemtionem ad ravim usque declamarunt, ne illud quidem intelligentes, sua culpa literarum dignitatem conci-

17, 6 et: vel, R | et: vel | vel me tacente, intelligitur: facile est ad existimandum: *comma om. R*

18, 1 quos ediscendos putabat: et e. putarit || 18, 2 nesciamus, Criticos: dubium sit, quin Critici | vitae...collocare: commorentur

19, 1 et querelam effundam: explicem || 19, 6 ejusmodi: tales, R | contemtionem ad ravim usque: contemtu e cathedris | ne...intelligentes: nec intelligere ullo modo potuerunt

disse. Hos si ad majorum instituta revocare conemur, forsi- 7
 tan operam perdamus. Sed profecto, si rectis consiliis locum 8
 dare velint, una superest ratio, qua et literas et semet ipsos
 p. 32 a contemtu vindicare queant. Revellant terminos humanita- 9
 tis, quos ignavia constituit, recipiant in artium chorum, quas
 inde ejecerunt, et, Hemsterhusii exemplo, literarum studium
 cum Mathesi et Philosophia conjungant.

20. Geometria animum a sensibus ad ea, quae mente contu-
 emur, intelligenda traducit, acuitque in vero judicando. Et 2
 quisquam dubitabit, quin, qui hac disciplina ingenium sube-
 gerit, etiam in literis nostris, acutius cernat iis, qui nunquam
 attigerint pulverem eruditum? Hemsterhusio quid Geometria 3
 profuerit, sciunt, qui vel scripta ejus cognorint, vel sermones.
 Quicquid ex ore exhibat, quicquid literis mandabatur, etiam 4
 in critico genere, facile prodebat ingenium adsuetum geome-
 p. 33 tricae subtilitati. Nihil sulmebat temere, sed a certo cognitis 5
 et perspicuis via et ratione progrediebatur ad ea, quae inde
 necessaria consecutione efficerentur.

21. Sed alia quoque Mathesis pars est, quam Critico dede-
 cori sit ignorare. Haec est Astronomia, praesertim antiqua,
 sine cujus scientia nec Graeci, nec Latini Poëtae, qui inde
 multa carminibus suis ornamenta petierunt, plane perfe-

19, 7 forsitan: fortasse || 19, 8 una: una tantum, *R* | queant: possint, *R* ||
 19, 9 Hemsterhusii: magni *H*.

20, 4 Quicquid ex ore exhibat: *Q.* dicebat: *Q.* ex o. dicebat *R* | facile...
 geometricae: planum omnibus faciebat, quam adsuetus esset *g*.

2 cteque intelligi possunt. Quo majus studium vir eximius ad
eam cognoscendam attulit, nec, quamvis mitis et moderatus
aliorum censor, sibi temperare poterat, quin suaviter rideret
recentiores Poëtarum interpretes, qui, ubi quid ex hac do-
ctrina explicandum sit, vel turpiter haereant, vel in jocularis
errores labantur.

22. Phillosophiae studium eo flagrantius erat, quo magis ab p. 34
2 ipsa natura ad illam impellebatur. Per ejus vero partes om-
nes sic vagatus est, ut modo versaretur in sancto Pythagorae
recessu, modo in Academia Platonis, modo in Aristotelis Ly-
ceo, modo in Zenonis porticu, modo in hortis Epicuri, ubique
cum admiratione quadam deprehendens permulta, quae ae-
3 tatis nostrae vanitas audet ut recens inventa jactare. Plerique
veteris philosophiae studiosi vel partem ejus delibant, vel in
locis amoenioribus, maxime in eo de moribus, commoran-
4 tur. At Hemsterhusius ingenii sui magnitudini consentaneum
judicabat, etiam partem omnium difficillimam, quae Meta-
5 physicam complectitur, pervestigare. Nihil facile abstrusius
reperias Platonis Parmenide, quo dialogo doctrina *de Ideis*
6 explicatur. Ab ejus lectione vir magnus semel, iterum, ter p. 35
7 tium idem abierat, qui venerat. Verum non prius conquievit,
quam quarta lectione instituenda abditos philosophi sensus
eruisset, ipsa difficultate non hebetante, ut fieri solet, sed
8 acuate studium intelligendi. Nec satis habebat veteres co-
gnosce, sed cum Platone Leibnitium, cum Aristotele Locki-
um, cum aliis alios conjungebat, ut, qui sermones cum illo
de veteri philosophia contulissent, nihil nisi veteres, qui de
9 recentiore, nihil nisi recentiores, legisse putaret. Ceterum in
Metaphysica quae vera certaue sint, et in quibus firme con-

21, 2 sit: est, R | in jocularis errores labantur: j. e. committant, R ||
22, 2 deprehendens permulta: p. observans || 22, 4 etiam: *deest*, R || 22, 8 re-
centiore: recentiori || 22, 9 certaue: *deest*, R | firme: certo

sistere possis, apud veteres se reperisse omnia dicebat. Nova- 10
rum opinionum subtilitatem ut facile agnoscebat, sic earum
levitatem et inconstantiam vel hoc argumento demonstrabat,
p. 36 quod, | quotiescunque novus Metaphysicus existat, toties pri-
or loco, quem tenuit, pellatur.

23. In variis autem veterum philosophorum familiis, ea-
rumque decretis cognoscendis, vehementer dolebat sortem
historiae philosophicae, quae, tametsi Criticis uberrimam
ingenii exercendi materiam praebeat, tamen ad nullam dum
criticam severitatem exacta sit, involantibus fere in illam,
quasi in vacuum et caducam possessionem, compilatoribus,
qui nec ingenio valeant, et literarum adeo rudes sint, ut e vi-
tiosis antiquorum philosophorum versionibus sapere, et inde
summam cujusque disciplinae conficere cogantur.

p. 37 **24.** Quanquam ne gentium quidem historia, | cujus usus latius
patet, meliore ipsi conditione esse videbatur. Haec quantum 2
obscuritatis vel a vetustate, vel a scriptorum dissensione, vel
ab aliis caussis traxerit, quam corrupta sit per partium stu-
dium, fraudem, superstitionem, et sciunt omnes, et fatentur.
Veruntamen quotus quisque Criticorum in hunc patentissi- 3
mum campum excurrit? quotus quisque adhibet Criticam,
quasi veri obrussam? Signum ad hanc rem capessendam sus- 4
tulerat Josephus Scaliger in Opere *de Emendatione Tempo-
rum*, et altero *Eusebiano*, utroque aeterno, sed laudato magis,
quam lecto. At perpauca, qui per ejus vestigia ad eandem 5

22, 10 earum: illarum | quotiescunque: quoties | quem tenuit: *desunt*

23 In variis...philosophicae: Cum autem varias veterum philosophorum
(Ph- R) familias, earumque decreta cognosceret, historiae philosophicae
sortem dolebat | sapere: *post s. comma deest, R* | et inde...conficere: *de-
sunt* | summam: s. *rerum scripsit et delevit R*

24, 2 dissensione: dissensu, R || **24, 5** At: *deest*

- 6 laudem contenderent, inventos scimus. Quo magis Hemsterhusius et ipse historiam critica ratione tractabat, et disciplinae suae alumnos ad eandem rationem amplectendam p. 38 incendebat, exemplum, ad quod studium dirigerent, iis proponens severissimum reliquorum historicorum censorem, Polybium, cujus tanta admiratione captus erat, ut, si fieri posset, unum ejus librum deperditum plaustis homiliarum SS. Patrum redimere vellet.

25. Antiquitatis eruditae, hoc est, Graecae et Romanae, studium non solum ad veterum scriptorum historiaeque intelligentiam referebat, sed etiam eo, ut ingenium, contuendis antiquae artis miraculis, acueret ad sensum elegantiae et venustatis, quae talibus operibus inesset. Nec quicquam vel cupidius, vel intelligentius spectabat, quam veteres gemmas, numos, vasa, anaglypha, statuas: cujus rei facultatem ipsi dabant socelri, Jacobi Wildii museum, non paucas ejus generis p. 39 reliquias servans. Hanc animo insidentem pulcri et recti speciem ubi ad recentiorum artificum opera transtulisset, non temere reperiabatur, qui cum de pictura et statuaria nostrae aetatis, tum de architectura, aliisque ejusmodi artibus elegantius judicaret. Ac saepe mirabatur, oculos vulgo per pudendam negligentiam ad nullam rem erudiri, cum aliae corporis partes, quae minus sint praestabiles, et minus oblectationis animo praebeant, studiose excolantur, aures ad concentus musicos recte sentiendos, manus et pedes ad concinnum et liberalem motum edendum. Auctor igitur erat discipulis suis, ut lineari picturae, in qua artium, quas diximus, fundamenta sunt, mature operam darent.

25, 1 solum: modo | historiaeque: et historiae | sed: verum || 25, 2 ipsi: ipsi quotidie, *R* | non...servans: praeae artis reliquiis refertum || 25, 3 non temere: nemo | cum: non solum | tum: sed etiam || 25, 4 sint praestabiles: praestantes sint, *R* | oblectationis animo: animo oblectamenti | studiose: diligenter | liberalem: decentem

p. 40 **26.** Saltis diximus de infinita rerum copia et varietate, quam
mente complexus est Hemsterhusius. Verum ad rerum intel- 2
ligentiam nullus aditus patet, nisi per exquisitissimam scien-
tiam linguarum, Graecae praesertim et Latinae. Hic quid me 3
attinet dicere, eum longa et accurata meditatione consecu-
tum esse, ut Graecae linguae nativam indolem, proprietatem,
et arcana omnia teneret? Notior res est et testatior, quam ut 4
pluribus verbis explicanda esse videatur. Itaque complector 5
brevis, et, non exaggerandae rei caussa, sed simpliciter et
vere hoc dico, Hemsterhusium Graecarum scientia literarum
omnino omnes, qui inde a renatis literis excellenter in iis ver-
sati sint, ipsum etiam Isaacum Casaubonum, cui doctorum
hominum consensus primas deferre solet, longo post se in-
tervallo reliquisse.

p. 41 **27.** Quod | si magna ingenia non nisi novarum rerum inven-
tione metiamur, talem quoque sui mensuram vir summus,
in hoc ipso linguarum studio, praebuit, invenienda verissi-
ma Originum Graecarum ratione, singulari linguae Graecae,
adde et Latinae, praesidio et ornamento. Hujus analogiae 2
tanquam filo ductus, simplicissimas verborum formas, quae
binis tribusve literis constarent, et una cum iis natas signi-
ficationes indagavit, formas omnes et flexiones ad certam
rationem revocavit, ex primariis notionibus secundarias, et
consequentes elicuit, earumque non solum cognationem, sed
etiam migrationes ostendit, commentitias anomalias, quibus
Grammatici omnia perturbassent, explosit, denique tenebras
linguae per tot secula offusas ita discussit, ut, qua lingua nul-
la est neque | verbis, neque formis, copiosior, eadem jam nul-
la reperitur ad discendum facilius. Sed hujus rei subtiliorem 3
et exemplis confirmandam explicationem non capit popula-

26, 1 infinita: immensa, R || **26, 5** inde: *deest*, R

27, 2 tribusve: vel tribus, R | verbis...copiosior: *commata desunt*, R

- 4 ris scriptio. Gratulemur potius aetatis nostrae felicitati, quae,
 quod maiores nostri optarunt magis, quam sperarunt, id non
 5 et inchoatum et consummatum vidit. Etenim quod analogiae
 lumen Hemsterhusius linguae Graecae, id eodem tempore
 Orientalibus intulit Hemsterhusii civis, aequalis, condiscipulus,
 collega, amicus, unicus literarum, quas profitebatur,
 vindex, Albertus Schultensius.

28. Hic forsitan dicat aliquis eorum, qui nolunt eundem
 hominem pluribus rebus excellere: sit sane ita: habuerit
 Hemsterhusius Graecarum literarum scientia parem nemi- p. 43
 2 nem. At Latinarum certe regnum penes alios est. Ego vero
 non dubitem contendere, eum Latine doctissimos non solum
 aequasse, sed, quod adjumenta quaedam haberet, nec cogni-
 3 ta illis, nec usurpata, superasse. Recte vir magnus statuebat,
 Latinam linguam Graecae sic aptam et nexam esse, ut, qui
 alteram ab altera distrahat ac divellat, animi et corporis dis-
 4 cidium inducere videatur. Quod cum sibi idoneis rationibus
 persuasisset, eandem Latinae, quam Graecae, operam dedit,
 atque adeo, quoniam ejus proprium erat, nihil mediocriter
 scire, talem Latinae, qualem Graecae, facultatem consecutus
 5 est. Dicam, quod sentio, et, ut arbitror, dicam vere. Latinae
 linguae origines nemo mortalium ante Hemsterhusium re-
 cte cognovit. Viderant Varro et alii Romani, multa ex lin- p. 44
 6 gua Graeca in suam venisse. Aliquanto plura, quorum ori-
 go veteres fefellisset, ex eadem lingua repetierunt Scaliger
 7 et Salmasius. Sed adhuc dubia lux erat. Enimvero, inventa
 Hemsterhusii ingenio Graecae linguae analogia, simul etiam
 Latinae ratio diluxit, patuitque clarissime, quod pauci ma-

28, 1 Hic forsitan dicat: At dicet | sit sane ita: sint ista, sicut vis ||
 28, 2 At...est: Sed quid de literis Latinis dicis? Earum...erit | solum: modo ||
 28, 7 pauci...intellexerant: erant p. suspicati

gis suspicati erant, quam intellexerant, totam fere Latinam linguam ab Aeolica fluxisse. Restat, fateor, pars quaedam, 8 quae invecta aliunde videatur. Verum aut fallor, aut exorietur aliquando vir doctus et ingeniosus, qui, Hemsterhusiana analogia adjutus, eam quoque partem ad Graecam originem revocet, planissimeque demonstret, omnem Latinam linguam pulchrae matris Graecae pulchram filiam esse.

- p. 45 29. Sed | mittamus origines. Quantum Hemsterhusio praesidii esse debuit in Graecae linguae scientia ad Latinos scriptores rectius intelligendos? Constat inter omnes, scriptores, 2 quos diximus, maxime Poëtas, Graecam formam singulis prope verbis expressisse, et innumerabiles lepores veneresque ex Graecis fontibus nunc apertius, nunc occultius derivasse. Nec M. A. Muretus dicere dubitavit, *eos, qui Graeci 3 sermonis expertes sint, ne Latine quidem scripta penitus percipere posse*. Jam si cogitatione tibi fingendus sit harum elegantiarum interpres, an doctiorem Hemsterhusio reperi- 4 as? Ipse vir summus sese in Latinis intelligendis sic a Graecis adjuvari sentiebat, ut interdum negaret, Poëtas eos, qui se 5 totos ad Graecorum imitationem contulissent, nominatim
- p. 46 Properitium et Horatium, Graece imperitis valde placere 6 posse. Adeo multa, quae venustissima et exquisitissima sint, eorum sensum intelligentiamque fallere. Omnibus igitur 7 modis bene a maioribus constitutam rationem, qua utriusque linguae studium conjungeretur, tuebatur, ab eaque non semel descitum esse vehementer dolebat. Sub ipsa Academiae 8

29, 3 eos, qui] Muret. *var. lect.* 2, 20

28, 8 quae...videatur: q. per barbaras gentes i. v.

29, 4 reperiās: reperire possis, R || 29, 5 sese: se | sic: ita, R || 29, 7 tuebatur: *transp. ante* bene | vehementer: *deest*

incunabula Leidae bonas literas docuit Justus Lipsius, perfe-
 9 ctus literis Latinis, Graecarum mediocriter peritus. Is dicere
 ausus est, Graecas literas homini erudito decoras esse, ne-
 10 cessarias non item. Quod stultissimum dictum Isaaco etiam
 Casaubono (*), quo non fuit lenioris naturae Criticus, vehe-
 11 menter bilem | movit. Sed bonum factum, quod tam pernicio- p. 47
 12 sa literis opinio nullas radices egit. Mox enim tanquam coelo
 missus Josephus Scaliger, cui Batavi prope omnem rectum
 ingenii cultum, quem ex eo tempore ceperint, si grati esse
 velint, acceptum referre debent, Scaliger igitur cum ceteras
 ingenuas artes, tum Graecas literas, earumque cum Latinis
 13 conjunctionem, in his regionibus fundavit. Scaligerana di-
 sciplina per Grotios, Heinsios, Gronovios, Graevios, et alios
 14 usque ad patrum nostrorum memoriam propagata est. Tum
 rursus plerique literatores, Graecis vel neglectis, vel levi-
 ter delibatis, in unis scriptoribus Latinis habitare coeperunt.
 15 Altero igitur Scaligero opus erat, qui Musas Graecas fugam
 parantes sisteret, atque iterum cum Latinis artissimo foedere
 16 consolciaret. Is fuit Hemsterhusius, quo bonarum literarum p. 48
 tutelam suscipiente, brevi tanta rerum commutatio facta est,
 ut Athenae in Bataviam commigrasse viderentur, nec tamen
 quicquam de summo Latinarum literarum studio remittere-
 tur.

(*) Vide Casauboni Epistol. 291. et 294. et Lipsii Epist. 356.
 in Syllog. Burm. T. I. p. 376.

29, 8 perfectus...peritus: Latinae linguae inprimis peritus, Graece vix
 mediocriter doctus

29, 12 Mox enim: Nam mox | rectum: *deest* | ceperint: ceperunt ||
 29, 14 in...habitare: unos scriptores Latinos colere et exornare || 29, 15 igi-
 tur: ergo, *R*

30. Sed Latine quam doctus fuerit Hemsterhusius, etiam scribendi genus declarat, purum, emendatum, luminibus frequens, bene vinctum, inprimisque proprietatis studio et verborum delectu commendandum. Una orationi facilitas deest, 2 non comparanda illa, nisi saepe multumque scribendo: cujus rei facultatem raro dabat Graecarum literarum Professio. In juvene, velut in laetis herbis, se profundeabat luxuries quaedam, quam postea ratio et anni depaverunt.

p. 49 **31.** Halctenus virum egregium vidimus Graeciae Latique monumenta ita tractantem, ut nunquam illa de manibus deponeret. Quo studio quantas eruditionis opes sibi compararit, 2 supervacuum sit dicere. Eas cum primum in animadversionibus ad Lucianum protulisset, homines eruditos in stuporem et admirationem rapuit, expressitque omnibus confessionem hanc, ut dicerent, nihil simile ullam aetatem in hoc genere vidisse: magnam quidem copiam in Salmasii libris esse; sed ibi temere sacco fundi, hic omnia cum acerbo delectu, prope in Mathematicorum modum, explicari. 3

32. Atque his cum ingenii, tum eruditionis fundamentis, tam firmis, tam alte positis, tandem Hemsterhusius verae et legitimae Critices velut aedificium superstruxit. Sed critica 2 p. 50 disciplina quomodo usus sit, non alienum fuerit, eruditae juventuti, quae ejus vestigia persequi studeat, paucis exponere.

31, 2 quantas: quam immensas

32, 2 eruditae...studeat: in eorum gratiam, qui ejus vestigia persequenda putent

- 33.** Cum scriptori sive Graeco, sive Latino crisin suam impertire constituisset, primum justam cum eo familiaritatem contrahebat, hoc est, cum res ipsas, tum verba, similibus locis inter se comparatis, quanta maxima fieri poterat diligentia, cognoscebat, recte judicans, sui quemque scriptorem optimum interpretem esse, et, qui non saepius totum scriptorem uno tenore legisset, eum in emendando explicandoque turpissime labi. Tali notitia contracta, omnia ad certam rerum, sermonisque normam exigebat, difficilis, suspicax, semper verens, ne quid sibi fallaciae vel a librario, | vel ab interpo- p. 51
 3 latore strueretur. Tametsi quis poterat fallere illum sensum et natura sagacissimum, et multo literarum rerumque usu
 4 callidissimum? Tenebrio nobili scriptori foetum suum sub-
 5 jecerat? Statim fraudem certis vestigiis tenebat. Versificator magnorum Poëtarum versibus furtim interposuerat suos?
 6 Spurios obelo configebat. Librarius lectionem corruperat, vel sciolus corruptam fucarat? In promptu erant omnes veri indagandi viae.

- 34.** Sed, quamvis summam ingenii fiduciam habere potuisset, tamen Codicum MSS. fide inprimis nitebatur, et, quod hujus disciplinae expertibus mirum videatur, ex eorum vel contaminatissima scriptura pulcerrimas lectiones eliciebat.
 2 Nosse modos permutandorum in libris prisca verborum, p. 52
 utile putabat: posse enim tardiora ingenia talibus adminiculis sublevari: sed nimiam in his diligentiam contemnebat, docens hoc etiam argumento, parum inde utilitatis redire, quod, ut quisque plurimum operae in librariorum aberrationibus notandis posuisset, iisque margines librorum oplevisset, ita

nullam magnopere Critices laudem tulisset. Vero Critico vim 3
 ipsius sententiae, et sermonis proprietatem bene perspectam,
 facile id, quod res postulet, suppeditare. Hic etiam locum 4
 habere illud Asinii Pollionis: *Male eveniat verbis, nisi rem*
sequantur: vel illud Horatii, ex Asiniano expressum:

Verbaque provisam rem non invita sequentur.

p. 53 **35.** Sed | duos inprimis scopulos, multorum naufragiis infa-
 mes, et ipse fugiebat, et alios, ut fugerent, monebat, temeri-
 tatem et superstitionem. Furorem judicabat, quod non intel- 2
 ligas, statim urere et secare; amentiam, aegri capitis somnia
 in contextum invehere, abolita veterum librorum scriptura.
 Nam, si hoc modo grassari liceret, brevi futurum, ut cala- 3
 mitas, quam Gothi et Vandali bonis libris importassent, prae
 hac levis et tolerabilis videatur. Iccirco in locis desperatis, 4
 ubi nulla ratio esset difficultatis expediendae, medicinam ab
 integrioribus libris expectandam, et omnino nihil in contex-
 tu, nisi vetustarum membranarum auctoritate, movendum
 censebat, ne Bentlejo quidem veniam dans licentiae, quam
 sibi sumsit in Manilio recensendo.

p. 54 **36.** At | vero, qui nullum audaciae locum daret, non minus
 repudiabat anilem religionem, quae se imperitis modestiae
 nomine commendare audet, et semper vulgatae, quamvis fu-

34, 4 Male] Male hercle eveniat verbis, nisi rem sequantur Hor. Schol.
 Cruq. p. 633a cf. Porph. Hor. *ars* 311 | Verbaque] Hor. *ars* 311

34, 2 tulisset: invenisset

34, 3 proprietatem bene perspectam: genium b. perspectum

35, 1 alios, ut fugerent, monebat: a. fugere m. || **35, 3** Vandali: Saraceni ||
35, 4 Iccirco: Quamobrem cf. 13, 2; 44, 1; 48, 2 | sumsit: *transp. post*
 recensendo

36, 1 daret: dabat

- 2 tilis et absurdae, lectionis patrociniū profitetur. Sed quae,
malum! est lectio, quam tantopere jactant, vulgata? Num ex
3 vetustis et spectatae fidei libris profecta? Num certis emen-
dandi legibus constituta? Minime. Illa est (*), quam in suo
quisque libro reperit: quae, ut aliquando veteres et bonos
Codices auctores habeat, saepius tamen e libris vitiosis et in-
terpolatis, immo ex Editorum conjecturis, fluxit. Adeo, quid
defendant, non intelligunt homines inepti.

(*) Vide Cl. Ernestum Praef. ad Tacitum.

37. Sunt | alii, faciliores illi quidem in lectionibus, quae e p. 55
membranis ducantur, admittendis, sed iidem in Criticorum
2 emendationibus probandis difficiles et duri. Qui cum, peri-
culo facto, senserint, se non esse eos, qui in critica ratione
excellere possint, in eam partem deferuntur, ut omnium lo-
3 corum, qui ingenio tententur, se vindices ferant. Ac temera-
rios quidem confidentium ingeniorum impetus refutari, vete-
rumque scriptorum monumenta sarta tecta conservari, quis,
4 qui bonas literas amet, non vehementer gaudeat? Verum in
hoc tam salutari instituto frequentius obrectatio, quam ae-
5 quitas et veri studium, versatur. Nec obscurae sunt talis ini-
quitatis caussae. Nam, ut sumus homines, quanto praestabi-
lior et magis expetenda ingenii laus est, tanto impensius ei p. 56
6 invidemus. Illi igitur, cum facile sentiant, sese, si laus omnis
ingenii felicitati tribuatur, jacere, et vix honestos esse posse,
statim se parant ad Criticorum inventa ratiunculis quibusdam

36, 3 Ernestum: Ernesti, R

37, 2 cum...senserint: ubi periculo faciundo deprehenderunt | omnium
locorum, qui: o., quae || 37, 3 vehementer gaudeat: g. vehementerque lae-
tetur || 37, 5 impensius: vehementius || 37, 6 sese: se | ingenii felicitati: f. i.

convellenda, moliuntur, sudant, misere se torquent, ut loco depravato potius qualemcumque sensum affingant, quam felix in vero reperiendo ingenium laudent. Ex qua obloquendi 7 libidine, incredibile dictu est, quot quam durae et contortae vitiosorum locorum interpretationes manarint; si interpretationes dicendae sunt, quae scriptorem nescio quas ineptias dicere cogant. Tales vindicias, tantum aberat, ut Hemsterhusius probaret, ut illis doctam aliorum audaciam praeferret. 8
 p. 57 Sed longe optimum | et tutissimum censebat, medium sequi, 9 quod tum a temeritate, tum a superstitione esset sejunctum.

38. Etsi vero vir magnus, usu sensuque edoctus, praeclare sciebat, Icaris non esse aptandas alas, hoc est, juvenes non temere ad Criticam adducendos esse, tamen sagacioris indolis adolescentes mature hujus artis veluti gustu quodam imbuebat. Quorum vires, ut erat acer et perspicax ingeniorum existimator, ante sic explorabat, primum, ut eos juberet cogitate meditateque legere illustrem aliquem veteris scriptoris locum, v. c. Livianam praefationem, vix imitanda arte conscriptam, et post, quid in tali loco maxime animum pepulisset, quid maxime placuisset, sibi referre. Tum, ubi linguae 3
 p. 58 scientiam et pulcri sensum sibi | probassent, in scriptore, ad talis aetatis captum accommodato, locum demonstrabat, qui vitium haberet nemini animadversum, idque investigare jubebat. Reperta corruptela, quam reperire interdum difficilius 4 est, quam corruptis mederi, praesertim ubi mendosa scriptura tolerabilem, nec a re abhorrentem sensum efficiat; sed reperta corruptela, lene et blandum ab ingenio remedium postulabat. In quo ut eos, qui nullum dum Critices usum haberent, 5

37, 6 reperiendo: inveniendo || 37, 7 cogant: cogunt || 37, 8 Tales...probaret: Talibus vindiciis H. ita offendeatur | illis: i. etiam, R

38, 2 pepulisset: affecisset, R || 38, 4 nec a re: et a re non | efficiat; sed reperta corruptela: e., r., inquam, c.

sublevaret, ipse interdum vias quasdam, quae ferre ad verum
 6 inveniendum possent, indicabat. Si rem acu tetigisses, can-
 dide plaudebat sollertiae tuae, et acerrimum laudis stimulum
 adhibebat: sin minus, suam ipse emendationem promebat, ut
 7 quaerendi et conjectandi finis fieret. Hac ratione usurpanda vir
 summus | non solum discipulis suis facultatem dabat Critices p. 59
 cognoscendae, sed eosdem etiam consuefaciebat in legendo
 iudicii severitatem adhibere, et semper animum, quid intel-
 8 ligat, quid minus, interrogare. Et miramur, ex ejus disciplina
 plures acutioresque Criticos, quam e cujusquam ante illum,
 9 prodiisse? Nolim singulos ambitiose commemorare. Facile,
 qui sint, velut propria quadam nota, intelligendi et judicandi
 10 subtilitate cognoscuntur. Unum tamen silentio praeterire non
 possum, germanum inprimis Hemsterhusii discipulum, L. C.
 11 Valckenarium. Hic enim, quam a magistro accepit discipli-
 nam, ante Franequerae, nunc Leidae, ita tuetur et propagat
 ingeniis feliciter formandis, ut Hemsterhusio de vita sublato,
 nunquam defuturi sint, qui literas Hemsterhusiana raltione p. 60
 12 colant. Hic utriusque linguae analogiam, quam vir immorta-
 lis impertiit quidem discipulis, sed literis mandare neglexit,
 ita quasi per manus tradit aliis, ut, etiam si nemo illam literis
 prodatur, tamen ad seram posteritatem perventura videatur.

39. Quemadmodum vero aliis disciplina, sic aliis profuit sa-
 2 lubri consilio suppeditando. Libenter et ingenue fateri sole-
 bat vir summus, P. Wesselingius, hunc sibi studiorum recte
 3 instituendorum auctorem fuisse. Is Hemsterhusio collega da-
 tus, non prius Franequeram, quam in intimam ejus amicitiam
 venit: quae ex illo tempore tam sancte et constanter culta
 4 est, vix ut aliud par amicorum conjunctius vixerit. Erat jam
 tum in Wesselingio magna et incredibili studio parta | doctri- p. 61
 5 nae copia, sed aversus a critica ratione animus. Verum cum
 Hemsterhusius ei crebris sermonibus demonstrasset, nullam
 eruditionem, quamvis variam et copiosam, esse veram et ac-
 curatam sine critica disciplina posse, totam studiorum rati-

onem commutavit, et post illa ipsa arte, quam ante oderat, nomen suum immortalitati commendavit.

40. Paulo ante de ea Critices parte, quae in depravatis corrigendis versatur, quantum satis est, disputavimus. Sed ejusdem etiam artis est, veterum scriptorum obscuros sensus aperire: in quo, praeter vim judicandi, maxime cernitur illa nullis circumscripta terminis eruditio. In hac autem interpretandi ratione, quanquam alio modo, non minus vulgo, quam in illa emendandi, peccatur. Saepe I et Hemsterhusii et aliorum querelas audivimus, cum dicerent, scriptorem, quem quis interpretum enarrandum suscepisset, onerari iis, quae ad quemvis alium scriptorem scribi possent, explicari, quae nemo sibi explicari velit, in difficilioribus destitui lectores, res et sententias negligi, nihil nisi loquendi formulas enarrari, et ne illarum quidem notiones ad normam, quam perfectus Criticus, J. F. Gronovius dedisset, distincte et enucleate tradi, sed temere misceri et confundi. Hemsterhusius vero ipsum scriptoris argumentum amplexus, obscuriorum locorum tenebras modo ex historia et antiquitatis memoria, modo ex temporum ratione, modo ex interiore philosophia, modo ex aliis artibus dispellebat: fontes, unde quidque haustum esset, locos aliorum auctorum, I quos scriptor, quem tractaret, vel imitando expressisset, vel in transitu respexisset, demonstrabat: exquisitior verbi aut formulae vis si enarranda esset, non ille diversarum significationum, ut ita dicam, confinia confundebat, sed tenuissima et aliorum sensum fugientia discrimina tam perspicue accurateque definiebat, ut in his etiam geometricam elegantiam facile cognosceres.

40, 1 de ea...disputavimus: quantum satis est, diximus de ea C. p., q. in d. c. versatur || **40, 2** circumscripta terminis: t. c. || **40, 3** autem: vero || **40, 4** scriptorem: auctorem I scriptorem: auctorem, R || **40, 5** tenuissima: tenuia I perspicue accurateque: perspicua et certa ratione

41. Animadversiones, quas scripsit, habent beatam quandam
 2 et felicem rerum ubertatem. Nec tamen quicquam in illis ali-
 eni est, vel longius arcessiti. Omnia et apte et suo loco di-
 cuntur; ut mirari subeat, tam longas animadversiones scribi
 3 potuisse. Sed talis copia facilis erat ei, qui omnes interiores
 4 Graeciae Latiique recessus teneret. Ne multa: habent | ejus p. 64
 commentarii in Aristophanem, Lucianum, Xenophontem
 Ephesium, Hesychium, Thomam Atticistam, alios, veris-
 simam bene interpretandi disciplinam, qua non extat exem-
 5 plum perfectius. Quo vehementius et justius dolemus, Coam
 Venerem, Lucianum dico, ab eo non esse absolutam, omni-
 noque pauciora, quam exspectare par erat, ex tam perenni et
 inexhausto doctrinae fonte ad communem utilitatem perma-
 nasse.

42. Hujus rei quae caussae fuerint, cum saepenumero quaeri
 2 soleat, videor mihi reperisse has duas. Primum vir summus
 tanto legendi meditandique studio tenebatur, vix ut inde avel-
 li posset, et ad ea, quae per nimis multa, ut nobis quidem vi-
 detur, adversariorum volumina spar|serat, digerenda traduci. p. 65
 3 Ne ipse quidem diffitebatur, se ad labores, praesertim jussos,
 quibus sibi liquida illa meditandi voluptas eriperetur, paulo
 4 esse tardiores. Deinde cum nihil, nisi quod omnibus nume-
 ris expletum esset, a se exire vellet, majorem posteritatis,
 quam aetatis suae, ducens rationem, lapsus est, ut fere solent
 excellentissimi quique artifices, in quandam calumniam sui,
 ut, quantumcunque adhibuisset curae et studii, tamen nihil

41, 1 quas scripsit: ejus: *commata quae* q. s. *includunt desunt* R ||
 41, 5 ex tam: e

42, 1 cum...reperisse: saepe numero quaeri solet. Equidem mihi videor
 reperisse: cum *deest* R || 42, 4 majorem posteritatis, quam aetatis suae,
 ducens rationem: m. habens p., q. praesentis a., r.

satis putaret. Ita, quod Plinius de Protogene, pictore, dicit, *in summa artis intentione minor erat fertilitas*. Huc accedebat, quod, quamcunque rem tractandam sumsisset, eam ita excutere, et cum pulvisculo exhaurire studeret, ut, qui posthac
 p. 66 idem agere institueret, omnem sibi | materiam praereptam fateretur. Quibus de caussis memoriae suae, fidissimo ceteroquin omnium, quae semel legisset, audivissetve, custodi, irasci solebat, si vel leve quiddam, quod eodem pertineret, sibi post editum librum suppeditaret.

43. Fuerunt, quibus in Luciano ornando nimis cunctatus videretur: a quibus petimus et quaesumus, ut ejus cunctationem comparent cum alterius, qui post ad eundem scriptorem edendum accedere ausus est, festinatione. Reperient profecto, illum cunctando rem restituisset, hunc festinando perdidisse.

44. Ille autem tot vigiliarum et tot annorum fructus si minus publice apparuit, non | tamen iccirco vel exiguus esse, vel periisse existimandus est. Nam vix ullus sive Graecus sive Latinus scriptor est, in cujus margine non tales emendationes, quales a principe Criticorum proficisci par erat, notarit. Pleni sunt castigationum, ut paucorum recensione defungar, Aristophanes, Oratores Attici, Theocritus, Apollonius Rhodius, Harpocraton: pleni ex poëtis Latinis, Propertius, Manilius, Valerius Flaccus. Hinc igitur praesidia, hinc ornamenta editionibus a se curandis petant Critices studiosi.

42, 5 in summa] Plin. nat. 35, 101

42, 6 studeret: studebat | fateretur: inveniret || 42, 7 Quibus de caussis: Quamobrem

43, 1 alterius...ausus est: aliorum...ausi sunt || 43, 2 hunc: hos, R

44, 1 iccirco: idcirco, R cf. 13, 2; 35, 4; 48, 2 || 44, 2 par erat: debebant || 44, 3 paucorum recensione defungar: paucos tantum nominem

5 Neque verendum est, ne talis thesaurus in dominos literarum
 6 rudes incidat, aut dissipatus pereat. Adhuc illum integrum
 servat Franciscus Hemsterhusius, unus ex tribus filiis super-
 stes, paterni ingenii, animi, et oris imago, qui phillosophiam p. 68
 et mathematicas artes cum antiquitatis eruditae scientia ita
 conjunxit, ut, qua laude magis excellat, difficile sit existi-
 7 mare. Sed idem inusitata liberalitate totum illum thesaurum
 Bibliothecae publicae Leidensi, post fata sua, donare con-
 stituit, jam nunc fidem suam per me omnibus ita astringens,
 ut haec publica voluntatis declaratio testamenti vim habere
 8 possit. Sic facere decebat filium, qui nobis patrem cum aliis
 virtutibus, tum animi magnitudine reddit.

45. Satis multa de Hemsterhusii ingenio et doctrina diximus.
 Nunc animum contemplemur, utrique facultati vel parem,
 2 vel superiorem. Nec alienum est, qui Critici nostri animus
 et mores fuerint, quaelrere, praesertim cum de Criticorum p. 69
 moribus ea inveteraverit opinio, ut nullum eruditorum ge-
 nus ferocius, truculentius, magisque contentiosum habeatur.
 3 Equidem negare non possum, tales et olim fuisse, et fortasse
 4 etiam nunc esse. Addo etiam, ridiculas istorum pugnas de
 verbis et parvi momenti rebus Criticam non leviter infamasse.
 5 Veruntamen quis tam iniquus iudex est, ut hominum vitium
 6 ad artis contemtionem trahat? Nisi vero Jurisprudentia con-
 temnenda est, quod inter Jurisconsultos rabulae, aut Medici-
 7 na, quod inter Medicos circulatores reperiuntur. Nolim hujus
 opinionis levitatem cum pari conjunctam iniquitate, pluribus

44, 6 antiquitatis eruditae: e. a.

45, 3 fortasse: forte, R || 45, 5 contemtionem: contemtum || 45, 6 contem-
 nenda est: contemni debet || 45, 7 cum...iniquitate, pluribus: et iniquitatem
 pluribus: *post iniquitate comma deest R*

verbis refellere. Sunt Hemsterhusii mores optima Criticorum 8
 p. 70 apologia. Cujus enim famam et existimationem ille unquam
 scriptis suis laesit? Cujus dissensionem, in tanto doctrinae
 fastigio, non facile ac leniter tulit? Ne tum quidem, cum res 9
 et locus postularent, superbiam maximis meritis quaesitam
 sumsit. Quid? tantum abfuit, ut aliorum errores exagitaret, ut
 stultos etiam patientius ferret, quam necesse videretur. Erat 10
 Theologus, qui saepe in circulis, ipso praesente, Pindaros,
 Sophocles et Demosthenes, quos nunquam legerat, loquere-
 tur, eosque velut in lance positos modo tolleretur iudicio suo,
 modo deprimeret, omninoque, ut in Latinorum proverbio
 est, spectante Roscio, gestum in scena ageret. Cum Joannes 11
 Albertus, et ceteri, qui aderant, intentis in Hemsterhusium
 p. 71 oculis expectarent, ut hominis vanitatem et impudentiam
 comprimeret, ille ne verbum quidem. Cur enim, dicebat, 12
 hunc minus patiar ingenio suo frui, quam alios, coram me et
 Schultensio, in pari inscitia, de pulpitis jactantes Graecarum
 et Orientalium scientiam literarum?

46. Sed non est, quod magnopere miremur aut aliorum in-
 tolerabilem fastum et superbiam, aut hujus amabilem hu-
 manitatem. Illi enim ex his studiis nullum, nisi eruditionis, 2
 fructum petunt: cujus vis quae potest esse in animum et mo-
 res? Hic non unam eruditionem, sed inprimis vitae et morum 3
 elegantiam, omninoque veram sapientiam inde sibi hauri-

45, 10 Roscio] Cic. *de orat.* 2, 233

45, 8 dissensionem: dissensum || **45, 9** sumsit: sumebat | abfuit: aberat ||
45, 10 Theologus: *deest*, R || **45, 10-11** deprimeret...ceteri: deprimeret. Cum
 ceteri || **45, 11** Hemsterhusium: eum | et impudentiam: *desunt* || **45, 12** alios,
 coram: concionatores sacros, qui coram: alios, qui coram R | de pulpitis
 jactantes: jactant

46, 2 Illi enim: Nam illi

- 4 endam ducebat. Ac morum quidem venustas non solum per
 ejus libros fusa est, | sed etiam in sermonibus, omnibusque p. 72
 vitae actionibus ita lucebat, ut non tam sibi et Musis vixisse,
 quam inter fortunatos beatosque homines aetatem egisse vi-
 5 deretur. Sermo familiaris etsi tam accuratus et eruditus erat,
 ut meditatum diceres, tamen nihil habebat affectationis mo-
 6 lestae. Immo haec gravitas temperabatur incredibili humani-
 7 tatis festivitatisque condimento. Nam et ipse naturae vi ab-
 undabat sale atque urbanitate, et praeterea omnem leporum
 et facetiarum florem ex antiquis et novis scriptoribus libarat.
 8 Itaque vix alium ex eruditorum ordine vidimus, cujus con-
 9 suetudo a principibus etiam viris impensius expeteretur. Non
 habet patria procures illustriores, prudentiores, et bonis arti-
 bus ad omnem humanitatem magis | excultos, quam fratres, p. 73
 10 Guilielmum et Carolum Bentickios. Atqui illi fateri et prae
 se ferre non dubitabant, se nunquam, nisi meliores aliqua
 parte et doctiores, ab Hemsterhusio discessisse. Ac nescio,
 majorine gloriae sit Hemsterhusio, Bentinckii placuisse, an
 Bentinckii, Hemsterhusii virtutes intellexisse.

47. Animus ejus erat, qualem esse oportebat tot sapientum
 praeceptis conformatum, unius verae et solidae virtutis ad-
 2 mirator, contemtor rerum fluxarum et humilium. Roboris
 quantum in eo fuerit, hoc documento cognoscere licet. Ve-
 nerant ad eum Franequeram nobilissimi e primaria gente
 3 Wassenaria hospites, biduum hilare sumturi. Cum omnes
 ac cubuissent, animis ad laetitiam remissis, ecce, literis fit p. 74
 certior, filium summae spei, Jacobum, qui sibi decus ex mi-

46, 4 beatosque: et beatos, R || 46, 7 naturae vi abundabat sale atque urbanitate: s. atque u. a. || 46, 8 impensius: vehementius

47, 1 qualem esse oportebat: qualis e. debebat: qualem e. debebat R | conformatum: conformatus

litia navali petebat, procul a patria morte immatura periisse. Quid ille? Vultu nihil mutato seponit literas, simulat hilarita- 4 tem, acerbissimumque dolorem per biduum pectore premit, quod iucunditatem, cui se hospites dederant, muliebri et nihil profutura ejulatione contaminari nolebat. Tali constantia ger- 5 manus ille Socraticae disciplinae alumnus, Xenophon, nuntiata inter sacrificandum filii Grylli morte, luctum distulit, dum solemne sacrificium peregisset.

48. Ostentationem et inanem pompam oderat cum in reliqua vita, tum in docendo; ut exteri, qui ad ejus lectiones p. 75 venissent, vix crederent, hunc esse illum Hemsterhusium, de quo tot ac tanta praedicari audivissent. Famae et magnae de se opinionis prope negligens erat, minime omnium curans plausum vulgi, cui propterea paene ignotus vixit. At quo minus gloriam venabatur, eo magis ad eum sponte veniebat. Quis enim nescit, omnes omnium gentium eruditos una voce, una sententia regnum in literis ad ipsum detulisse?

49. Prudentia, dubito, an unquam major et praestantior fuerit in ullo homine erudito. Credebat Epicharmo, nervos et artus prudentiae esse, non temere credere, tenebatque, si quis alius, artem difficillimam tacendi suo tempore, et loquendi. In 2 p. 76 consilio capiendo cautus, l consideratus, et, si quaeris, lentus: quippe omnes in utramque partem rationes videbat, et magno iudicio ponderabat: sed idem, ubi semel quid decre-

47, 5] e.g. Plut. *consol. ad Apoll.* 118f

49, 1 Epicharmo] Q. Cic. *pet.* 39; 23 B 13 DK

47, 3 morte immatura: i. m., R

47, 4 iucunditatem, cui se hospites dederant, muliebri: hospitum j. m. ll

47, 5 nuntiata: nunciata, R

48, 2 minime: et m. l curans plausum: curabat laudem l propterea: idcirco, R (*adscripto etiam in margine idcirco*) cf. 13, 2; 35, 4; 44, 1 ll 48, 3 At: Sed l veniebat: confluebat

- 3 visset, constans et firmus. Alienus a suspicionibus: sed idem latebrarum, quae in animis hominum sint, sagacissimus explorator.

50. Sed prudentia, quae vitam privatam attingit, si in eo summa et singularis fuit, forsitan minus mirum videatur. Unde vero ille, qui nullam reipublicae partem attigisset, tantam hauserat rerum civilium scientiam? Nempe cum eam non experiundo sibi comparare posset, usus et experientiae vicariam adscivit philosophiam, inprimisque omnis priscae et recentioris aetatis historiam. Ex qua vir|tute Academia p. 77
5 Batava uberrimum fructum tulit. Nactus enim amplissimum theatrum, in quo civilis illa prudentia spectaretur, foederatorum Belgarum historiam nova et inusitata ratione tradere
6 coepit. Indagabat veras causas, ex quibus res gestae penderent, remotis simulationum involucris, quibus tegerentur; consilia principum et populorum cur bene, cur secus cecidissent, explicabat; quid expetendum, quid fugiendum esset, demonstrabat; efficiebatque adeo, ut disciplina sua prudentiae civilis magistra et esset et haberetur. Inprimis heroum Batavorum ingenia et mores tanto artificio pingebat, ut non literarum Professore, sed Polybium aut Tacitum cathedrae impositum dixisses.

51. Tali ingenio, doctrina et sapientia fuit Hemsterhusius, p. 78
cujus similem Criticum nos haud vidimus; posteri ut videant, bonarum literarum causa vehementer optamus.

FINIS.

49, 3 sint: sunt, R

50, 1 forsitan: fortasse, R || 50, 5 spectaretur: spectari posset || 50, 6 tegerentur...efficiebatque: *commata loco semicolorum* || 50, 7 dixisses: putasses, R

51 vidimus: *post v. loco semicoli comma, R*

APPENDIX
ET
INDEX NOMINUM

APPENDIX

*Ludovici Caspari Valckenarii observationes MSS.
ad Elogium Tiberii Hemsterhusii*

L.c.v. obs. ad D.R. elogium T.H. editio Prima p. 17 sqq

P. 17 non C ... cúlpa] Quinimo illorum culpa fuit; cur enim istis, quos designas, aures praebuerunt? ut ut vera sunt quae narras, quod pace Tua dictum sit, nollem tam aperte narrari res oblivioni potius tradendas. Erit aliquando tempus, ni vanus sum augur, quo Tutemet ista talia, quae sanguine iúctis accident acerbissima, scripta nolis. H filio et nepotibus accidet ista narratio etiam permolesta.

Quae subjicis – sed haec latere meliús est etc.: quid tandem sibi volúnt? poteratne ea res clarius in lucem proferri?

P.18 Talis stultitia in philosophos – cadere poterat] qualis stultitia? út humaniores literas abiicerent? sed ab angustis dicis compendiis profectos.

Ibid. Berglerus – veteris philosophiae scientia – excellens] quo in libro B. scientiam istam patefecit?

21 – 22 – si quis – per invidiam allatraret] Nonnullis eum etiam in finem ~~hunc~~ libellum scripsisse videberis, út haberes occasionem ~~B. deprimendi~~ B. deprimendi.

P. 24 prope tota facta est disciplina verborum.] an talis evaderet nostra disciplina absque Mathematicis & Philosophis?

Ibid. – literatores de – contemptú e cathedris declamarúnt.]

P. 26 quin suaviter rideret recentiores Poetarum interpretes]

P. 29 laudato magis, quam lecto] Nihil veriús arbitrór.

L.c.: i. e. Ludovici Caspari Valckenarii observationes ad Davidis Ruhnkenii etc. || P. 17: v. 14, 4 || H. . . . : i. e. Hemsterhusii || sed haec: v. 14, 6 || P. 18: v. 14, 9 || Ibid.: v. 14, 11 || 21 – 22: v. 15, 3 || B. ~~deprimendi~~ vindictam? superscr. || P. 24: v. 19, 5 || Ibid.: v. 19, 6 || P. 26: v. 21, 2 || P. 29: v. 24, 4

INDEX NOMINUM

- Academia Batava 50, 4; Gronin-
 gana 12; 14, 1; Leidensis 14, 2;
 29, 8
 Aeolica lingua 28, 8
 Albertus Joannes 45, 11
 Amstelodamum (urbs) 11, 1; 14, 7,
 10, 15
 Apollonius Rhodius 44, 3
 Aristarchus 14, 18
 Aristoteles 22, 2 ib. 8
 Aristophanes 14, 13; 41, 4; 44, 3
 Asinius Pollio 34, 4
 Athenae 29, 16
 Attici oratores 44, 3
 Atticista v. Thomas
 Batava Academia v. Academia
 Batavi 29, 12; 50, 7
 Batavia 29, 16
 Belgae foederati 50, 5
 Bentinckius Carolus 46, 9 sq.
 Bentinckius Guilielmus 46, 9 sq.
 Bentlejus Richardus 14, 18-20; 15,
 1-3; 35, 4
 Berglerus Stephanus 14, 11-13
 Bernoullius Joannes 13, 2-5
 Beza 5, 3
 Britannia 14, 18
 Broukhusius Janus 14, 10 ib. 12 sq.
 Burmannus P. (Senior) 6, 11; 29,
 10; (significatur) 14, 4
 Casaubonus Isaacus 26, 5; 29, 10
 Celsus 14, 26
 Coa Venus v. Venus
 Comici 14, 19; 15, 2
 Crates Mallotes 8, 3 sq.
 Cujacius 5, 3
 Democritus 6, 6
 Demosthenes 45, 10
 Dionysius Halicarnassensis 17, 5
 Dorvillius 7, 5
 Epicharmus 49, 1
 Epicurus 22, 2
 Erasmus 5, 3
 Ernestus (Ioannes Augustus) 36, 3
 Eusebius 24, 4
 Flaccus v. Valerius
 Franequera (urbs) 11, 1; 38, 11; 39,
 3; 47, 2
 Gothi 35, 3
 Graeca antiquitas 6, 10; 25, 1;
 forma 29, 2; lingua 27, 1, 5; 28,
 3-5, 7; 29, 1; mater 28, 8; origo
 28, 8
 Graeca (pl.) 27, 4; 29, 5
 Graecae literae 14, 3; 14, 11, 21;
 15, 2; 28, 1; 29, 8 sq., 12; 30, 2;
 45, 12; Musae v. Musae
 Graeci 6, 5; 29, 5
 Graeci fontes 6, 10; 29, 2; poetae
 21, 1; scriptores 29, 14; v. Co-
 mici
 Graecia 31, 1; 41, 3
 Graecus scriptor 14, 22; 33, 1; 44,
 2; sermo 29, 3
 Graevius 14, 16; 29, 13
 Groninga (urbs) 11, 1
 Groningana Academia v. Acade-
 mia
 Gronovius Jacobus 14, 3
 Gronovius J. F. 29, 13; 40, 4
 Grotius 29, 13
 Gryllus (Xenophontis filius) 47, 5

- Harpocraton 44, 3
 Havercampus 14, 5
 Heinsius N. 6, 11; 29, 13
 Hemsterhusius Franciscus (pater Tiberii) 11, 1
 Hemsterhusius Franciscus (filius Tiberii) 14, 19; 44, 6-8
 Hemsterhusius Jacobus (filius Tiberii) 47, 3-5
 Hemsterhusius Tiberius passim
 Hesychius 41, 4
 Hippocrates 14, 26
 Homerus 16
 Horatius 29, 5 sq.; 34, 4
 Isocrates 13, 1 sq.
 Kusterus Ludolphus 14, 11-13
 Latina lingua 27, 1; 28, 3-5, 7 sq.
 Latina (pl.) 29, 5
 Latinae literae 28, 2; 29, 8, 12, 16;
 Musae v. Musae
 Latini 6, 5; 45, 10
 Latini poetae 6, 11 (bis); 14, 10; 21, 1; scriptores 29, 1, 14
 Latinus scriptor 33, 1; 44, 2
 Latium 31, 1; 41, 3
 Lederlinus Johannes Henricus (significatur) 14, 15
 Leibnitius 22, 8
 Leida (urbs) 11, 1; 14, 1 sq.; 14, 7; 29, 8; 38, 11
 Leidensis Academia v. Academia;
 Bibliotheca publica 44, 7
 Lipsius Justus 29, 8-10
 Livius 38, 2
 Lockius 22, 8
 Lucianus 31, 3; 41, 4 sq.; 43
 Lyceum 22, 2
 Manilius 35, 4; 44, 3
 Meursius Jo. 6, 10
 Muretus M. A. 29, 3
 Musae 14, 14; 29, 15; 46, 4
 Orientales linguae 27, 5; literae 45, 12
 Orientalia 27, 4
 Orville d' v. Dorvillius
 Parmenides Platonis 22, 5
 Patres SS. 24, 6
 Perizonius Jacobus 14, 1
 Pindarus 45, 10
 Plato 13, 1; 22, 2 ib. 5-8
 Plinius (Maior) 42, 5
 Plutarchus 17, 5
 Pollio v. Asinius
 Pollux Julius 14, 15-19
 Polybius 17, 5; 24, 6; 50, 7
 Propertius 14, 13; 44, 3
 Protogenes 42, 5
 Pythagoras 22, 2
 Reitzius Ioannes Fredericus (significatur) 43
 Romana antiquitas 25, 1
 Roscius 45, 10
 Salmasius 28, 6; 31, 3
 Saraceni (app. crit.) 35, 3
 Scaliger Josephus 24, 4 sq.; 28, 6; 29, 12 sq. ib. 15
 Schultensius Albertus 27, 5; 45, 12
 Sextus Empiricus 8, 3
 Socrates 13, 1; 47, 5
 Sophocles 45, 10
 Spanhemius Ez. 6, 10
 Tacitus 36, 3; 50, 7
 Theocritus 44, 3
 theologus (quidam) 45, 10
 Thomas Atticista 41, 4
 Thucydides 17, 5
 Timaeus 17, 2
 Valerius Flaccus 44, 3
 Valckenarius L. C. 38, 10-12
 Vandali 35, 3
 Varro 28, 5

- | | |
|-------------------------|--------------------------------|
| Venus 41, 5 | Xenophon (Socratis discipulus) |
| Wassenarii 47, 2-4 | 47, 5 |
| Wesselingius P. 39, 2-5 | Xenophon Ephesius 7, 4; 41, 4 |
| Wildius Jacobus 25, 2 | Zeno 22, 2 |

TABULAE

quod inter Medicos circulatores reperiuntur.

aliquid per con-
tem hinc, mittere
Nolim hujus opinionis levitatem & ~~discre-~~
~~tatem~~ pluribus verbis refellere. Sunt Hem-
sterhufii mores optima Criticorum apologia.
Cujus enim famam & exultationem ille
unquam scriptis suis laesit? Cujus dissen-
Diffensionem
sum, in tanto doctrinae fastigio, non
facile ac leniter tulit? Ne tum quidem,
cum res & locus postularent, superbiam
maximis meritis quaesitam sumebat. Quid?
comisit.
fuisset
tantum aberat, ut aliorum errores exagi-
taret, ut stultos etiam patientius ferret,
quam necesse videretur. Erat, qui saepe
in circulis, ipso praesente, Pindaros, So-
phocles & Demosthenes, quos nunquam
legerat, loqueretur, eosque velut in lance
positos modo tolleret iudicio suo, modo
omninoque aut
deprimere, aut
deprimeret. Cum ceteri, qui aderant,
intentis in eum oculis expectarent, ut
potius est, spectare
stolidam hominis vanitatem, comprimeret,
et lo, ad eundem
ille ne verbum quidem. Cur enim, dice-
tem a ageret.
bat, hunc minus patiar ingenio suo frui,
Joannes Albo
quam ~~comparantes~~ *comparantes* ~~factos~~ *factos*, qui coram
tho
me & Schultensio, in pari inscitia, ~~hab-~~
Hemsterhufii
v. k. in m. b. n. h. m.

Imagines phototypice expressae:
Universiteitsbibliotheek Leiden 754 D 25